

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj: 001-0-Su-25-000144
Bihać, 10.02.2025. godine

IZVJEŠTAJ O RADU
KANTONALNOG SUDA U BIHAĆU ZA 2024. GODINU

Sadržaj:

I – UVOD.....	3
1. ORGANIZACIONA STRUKTURA SUDA.....	3
II - OSTVARENA NORMA	4
III - OSTVARENI KVALITET RADA	4
IV - OSTVARENI REZULTATI U POGLEDU BROJA RIJEŠENIH I NERIJEŠENIH PREDMETA.....	6
1. IZVRŠNI REFERAT.....	8
2. KRIVIČNI REFERAT.....	8
3. PARNIČNI REFERAT.....	9
4. PRIVREDNI REFERAT	9
5. UPRAVNI REFERAT.....	10
6. VANPARNIČNI REFERAT	10
7. ZEMLJIŠNOKNJIŽNI REFERAT	11
8. APELACIJE.....	11
V - UZROCI KOJI SU DOVELI DO ZNAČAJNIJIH PROMJENA U BROJU RIJEŠENIH/NERIJEŠENIH PREDMETA	11
VI - OSTVARENI REZULTATI U RADU NA STARIM PREDMETIMA.....	11
1. REALIZACIJA PLANOVA RADA	13
VII - NEDOVOLJAN BROJ PREDMETA U RADU	14
VIII - TRAJANJE POSTUPKA	14
1. PREDVIDIVI I OPTIMALNI ROKOVI.....	15
IX - PREDMETI RATNIH ZLOČINA	16
X - PREDMETI KORUPCIJE I ORGANIZOVANOG KRIMINALA	17
XI - ZASTARA PREDMETA.....	18
XII - ZAKLJUČNA ZAPAŽANJA O RADU I USLOVIMA RADA SUDA U 2024. GODINI	19
XIII - PRIMJENA SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA.....	19
XIV - AKTIVNOSTI PODUZETE U CILJU IMPLEMENTACIJE STRATEGIJE ZA UNAPREĐENJE RODNE RAVNOPRAVNOSTI U PRAVOSUĐU BIH I POSTIGNUTI REZULTATI.....	20
XV - INFORMACIJA O ODRŽANIM SASTANCIMA SA NOTARIMA	21
XVI - PLANIRANE MJERE ZA POBOLJŠANJE.....	21

I – UVOD

1. ORGANIZACIONA STRUKTURA SUDA

Pravilnikom o unutrašnjoj organizaciji Kantonalnog suda u Bihaću broj: 001-0-Su-17-001075 od 22.02.2018. godine i Pravilnikom o izmjenama i dopunama Pravilnika o unutrašnjoj organizaciji Kantonalnog suda u Bihaću broj: 001-0-19-000703 od 15.10.2019. godine, broj: 001-0-Su-19-000924 od 26.12.2019. godine, broj: 001-0-Su-20-000435 od 26.05.2020. godine i broj: 001-0-Su-22-000365 od 16.05.2022. godine, utvrđeno je da Kantonalni sud u Bihaću poslove iz svoje nadležnosti obavlja putem dvije osnovne organizacione jedinice i to:

1. Odjeljenja sudaca: Krivično odjeljenje i Građansko odjeljenje
2. Odjeljenje sudske uprave koje u svom sastavu ima dvije unutrašnje organizacione jedinice: Pisarnicu i Računovodstvo i jednog samostalnog izvršioca i to stručnog savjetnika-psihologa.

Prema odluci VSTV-a, u Sudu su sistematizovana mjesta za 18 (osamnaest) redovnih sudija i 10 (deset) dodatnih sudija. Međutim, ovaj sud nikad nije bio popunjen ovolikim brojem sudija. Ranijih godina imao je dva dodatna suca, a od 2022. godine nema više dodatnih sudija. 2024. godinu sud je počeo sa 14 redovnih sudija. U toku godine prestao je mandat dvoje sudija zbog odlaska u penziju dok je imenovana jedna sutkinja. Na dan 31.12.2024. godine ovaj sud je imao 13 redovnih sudaca.

Odjeljenje sudaca formirano je u skladu sa odredbom člana 16. Pravilnika o unutrašnjem sudskom poslovanju („Službeni glasnik BiH“, br. 66/12, 40/14, 54/17, 60/17 i 30/18) radi odlučivanja o stvarima iz iste ili više srodnih pravnih oblasti.

Sastav sudskih odjeljenja i utvrđivanje vrste predmeta kojima se suci zadužuju, sastav sudskih vijeća po odjeljenjima, imenovanje predsjednika odjeljenja, dežurnih sudaca, raspored stručnih saradnika, imenovanje suca koji će zamjenjivati predsjednika suda u slučaju odsutnosti, utvrđuje predsjednica suda Odlukom o godišnjem rasporedu poslova.

Poslove iz nadležnosti suda propisane članom 28. Zakona o sudovima u Federaciji Bosne i Hercegovine („Službene novine F BiH“, br. 38/05, 22/06, 63/10, 72/10, 7/13 i 52/14), u 2024. godini obavljala su dva odjeljenja sudaca i to: Krivično odjeljenje i Građansko odjeljenje.

Prema rasporedu poslova za 2024. godinu Krivično odjeljenje činila su tri suca sa tzv. „pridruženim članovima“, sucima iz građanskog odjeljenja, koji su učestvovali u radu krivičnih vijeća i kao dežurni suci za prethodni postupak. Građansko odjeljenje činilo je 11 sudaca (u radu ovog odjeljenja učestvuju i predsjednica suda i suci sa upravnog referata).

Za obavljanje poslova osnovne djelatnosti, dopunske poslove osnovne djelatnosti i poslove pomoćnih djelatnosti u Sudu, Pravilnikom o unutrašnjoj organizaciji sistematizovana su ukupno 43 izvršioca i to: 10 državnih službenika i 33 namještenika. Struktura državnih službenika i namještenika u sudu na dan 31.12.2024. godine, izgledala je ovako: državnih službenika 6, namještenika 26 ili ukupno 32 državna službenika i namještenika.

Budžetom Unsko-sanskog kantona za 2024. godinu sudu su odobrena sredstva u ukupnom iznosu od 3.844.533 KM, na pretpostavljeni broj od 51 zaposlenika. U pogledu materijalnog poslovanja sud se uklapao u okvire stavki dodijeljenih mu budžetskih sredstava.

II - OSTVARENA NORMA

Kolektivna norma ovog suda ostvarena u 2024. godini je 117,13% (2023. godine kolektivna norma bila je 125,15%) što je i dalje izuzetno dobar rezultat obzirom da je norma dvoje sudaca kojima je prestao mandat sudije (u martu i septembru) iznosila samo oko 30% .

Ostvarena norma po sucima predstavljena je u sljedećoj tabeli:

R/b	Ime i prezime suca	Funkcija	Procent orijentacione norme koju je nosilac pravosudne funkcije dužan ostvariti	Ukupno ostvarena orijentaciona norma u 2024. godini
1.	Fata Nadarević	Predsjednica suda	30%	384,09%
2.	Osman Alibabić	Sudija	100%	105,62%
3.	Fikret Hodžić	Predsjednik odjeljenja	90%	123,64%
4.	Reuf Kapić	Sudija	100%	29,57%
5.	Muhamed Cimirotić	Predsjednik odjeljenja	70%	128,42%
6.	Bahra Ćoralić	Sutkinja	100%	104,25%
7.	Dino Muslić	Sudija	100%	112,97%
8.	Edita Rekić-Midžić	Sutkinja	100%	103,05%
9.	Fikreta Hadžić	Sutkinja	100%	105,80%
10.	Gara Šahinović	Sutkinja	100%	30,09%
11.	Goran Majanović	Sudija	100%	100,59%
12.	Jasmina Lipovača	Sutkinja	100%	108,20%
13.	Rusmira Kudić	Sutkinja	100%	94,33%
14.	Vlatka Ivaniš	Sutkinja	100%	106,66%
15.	Ammra Džafić-Dželalagić	Sutkinja	100%	119,61%

Ostvarena kolektivna norma na nivou suda od 117,13% % kao i individualna norma sudaca, pokazatelj je stalnog nastojanja da se ažurnost suda postavi na zavidan nivo. Normu od 100% pored dvoje sudaca kojima je radni odnos prestao u toku 2024. godine, nije ostvarila samo jedna sutkinja, koja je bila odsutna 14 radnih dana sa posla zbog bolovanja, a što je uticalo na ostvarenje norme manje od 100%.

III - OSTVARENI KVALITET RADA

Ukupan broj sudskih odluka na koje se može izjaviti pravni lijek, ukupan broj ožalbenih odluka, broj odbačenih pravnih lijekova, broj potvrđenih odluka, broj preinačenih odluka, broj preinačenih odluka nakon održanog glavnog pretresa ili glavne rasprave pred drugostepenim sudom, broj ukinutih i djelimično ukinutih odluka predstavljaju parametre koji u međusobnom odnosu daju podatak o kvalitetu sudskih odluka ukupno, odnosno po pojedinim referatima i sudijama. Kvalitet sudskih odluka obračunat je u skladu sa članom 18. Kriterija za ocjenjivanje rada sudija u BiH i člana 17. Kriterija za ocjenjivanje rada predsjednika sudova i predsjednika sudskih odjeljenja po sljedećoj formuli: $75\% * (\text{ukupan broj ožalbenih odluka} - \text{broj ukinutih odluka} - \text{broj djelimično ukinutih odluka} / 2) / \text{ukupan broj ožalbenih odluka} + 25\% * (\text{broj donesenih odluka na koje se može izjaviti pravni lijek} - \text{broj preinačenih odluka donijetih nakon održane glavne rasprave ili pretresa pred drugostepenim sudom} - \text{broj ukinutih odluka} - \text{broj djelimično ukinutih odluka} / 2) / \text{Broj donesenih odluka na koje se može izjaviti pravni lijek}$.

Polazeći od navedenog, ukupan kvalitet sudskih odluka u 2024. godini je 86,51%.

Pokazatelj kvaliteta dat je u slijedećoj tabeli:

Godina	Broj donesenih odluka na koje se može izjaviti pravni lijek	Ukupan broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	Broj preinačenih odluka donesenih nakon održane glavne rasprave ili pretresa pred drugostepenim sudom	Broj ukinutih odluka	Broj djelimično ukinutih odluka	Kvalitet sudskih odluka
I	II	III=V+VI+VII+VIII+IX	IV	V	VI	VII	VIII	IX	X
2024	1360	292	126	213	29	0	48	2	86,51%
2023	1400	353	99	240	52	0	58	3	86,30%

Kvalitet sudskih odluka po vrstama predmeta/referatima:

Vrsta predmeta	Broj donesenih odluka na koje se može izjaviti pravni lijek	Ukupan broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	Broj preinačenih odluka donesenih nakon održane glavne rasprave ili pretresa pred drugostep. sudom	Broj ukinutih odluka	Broj djelimično ukinutih odluka	Kvalitet sudskih odluka
	I	II=IV+V+VI+VII+VIII	III	IV	V	VI	VII	VIII	IX
Građansko odjeljenje:									
Gž	362	69	72	50	12	0	7	0	91,91%
Pž	113	20	12	16	3	0	1	0	96,03%
Rsž	79	11	20	6	1	0	4	0	71,46%
U	337	96	18	80	10	0	6	0	94,87%
Ostalo	291	8	3	6	0	0	2	0	81,08%
Ukupno:	1.182	204	125	158	26	0	20	0	92,22%
Krivično odjeljenje:									
K	32	30	0	17	2	0	10	1	65,55%
K-Rz	2	7	0	2	1	0	3	1	18,75%
Kž	1	1	1	0	0	0	1	0	0,00%
Kžk	7	2	0	2	0	0	0	0	100,00%
Kv	69	45	0	32	0	0	13	0	73,62%
Kpp	15	1	0	0	0	0	1	0	23,33%
Ostalo	52	2	0	2	0	0	0	0	100,00%
Ukupno:	178	88	1	55	3	0	28	2	71,21%
Sveukupno:	1.360	292	126	213	29	0	48	2	86,51%

Kvalitet sudskih odluka po nosiocima pravosudne funkcije:

Ime i prezime suca	Broj donesenih odluka na koje se može izjaviti pravni lijek	Broj odbačenih pravnih lijekova	Ukupan broj potvrđenih, preinačenih i ukinutih odluka	Broj potvrđenih odluka	Broj preinačenih odluka	Broj preinačenih odluka-rasprava	Broj ukinutih odluka	Broj djelimično ukinutih odluka	Kvalitet sudskih odluka u 2024. godini	Kvalitet sudskih odluka u 2023. godini
Fata Nadarević	84	13	16	16	0	0	0	0	100,00%	100%
Osman Alibabić	27	1	14	6	2	0	6	0	62,30%	47,10%
Fikret Hodžić	26	0	15	8	0	0	5	2	64,23%	75,00%
Reuf Kapić	13	0	11	6	0	0	5	0	56,29%	65,16%
Muhamed Cimirotić	75	13	9	4	3	0	2	0	82,67%	100%
Bahra Ćoralić	164	17	26	18	5	0	3	0	90,89%	100%
Dino Muslić	175	7	36	28	3	0	5	0	88,87%	88,87%
Edita Rekić-Midžić	80	14	14	13	1	0	0	0	100,00%	93,93%
Fikreta Hadžić	181	22	53	43	1	0	9	0	86,02%	81,19%
Gara Šahinović	10	13	12	8	3	0	1	0	91,25%	94,09%
Goran Majanović	64	8	24	19	2	0	3	0	89,45%	81,82%
Jasmina Lipovača	139	2	33	22	3	0	8	0	80,38%	83,07%
Rusmira Kudić	106	7	13	9	4	0	0	0	100,00%	100%
Vlatka Ivaniš	107	8	16	13	2	0	1	0	95,08%	86,51%
Ammra Džafić-Dželalagić	109	1	0	0	0	0	0	0	-	-
U k u p n o:	1360	126	292	213	29	0	48	2	86,51%	86,30%

Kako se vidi iz tabelarnog pregleda kvaliteta rada suda, ukupno po vrstama predmeta i po nosiocima pravosudne funkcije, može se zapaziti neznatan porast u kvaliteti sudskih odluka u odnosu na 2023. godinu, kao i povećanje kvalitete sudskih odluka kod nekih od sudaca ali i pad kvalitete sudskih odluka kod drugih sudaca. Broj potvrđenih odluka u 2024. godini je manji (213) u odnosu na taj broj u prethodnoj godini (240), ali je i manji broj ukinutih odluka (48) u odnosu na 2023. godinu (58). Kvaliteta sudskih odluka suda u 2024. godini u procentu od 86,51% je neznatno veći u odnosu na kvalitetu odluka u 2023. godini koji je bio 86,30%.

U odnosu na 2023. godinu evidentan je mali pad u kvaliteti sudskih odluka na građanskom referatu koji iznosi 92,22% (u 2023. godini iznosio 93,09%), dok je kvaliteta sudskih odluka na krivičnom referatu od 71,21% puno bolja u odnosu na 2023. godinu (57,79%).

IV - OSTVARENI REZULTATI U POGLEDU BROJA RIJEŠENIH I NERIJEŠENIH PREDMETA

Prema dobivenim statističkim podacima, sud je tokom 2024. godine imao u radu ukupno 3.733 predmeta, od toga je 609 predmeta preneseno iz 2023. godine, a 3.124 predmeta primljena su u izvještajnom periodu. Od ukupno 3.733 predmeta u radu, riješeno je 3.106 predmeta ili 83,20% (2023- 83,94%) dok je na kraju godine ostalo neriješeno 627 predmeta ili 16,80% (2023-16,06%).

Uporedni podaci protoka predmeta za 2023. i 2024. godinu prikazani su u slijedećoj tabeli:

Godina	Preneseno	Primljeno	Ukupno u radu	Riješeno	Neriješeno	Umanjenje
2024	609	3.124	3.733	3.106	627	+18
2023.	548	3.243	3.791	3.182	609	- 61

Može se uočiti da je, u odnosu na 2023. godinu, u 2024. godini došlo do smanjenja priliva predmeta (119 predmeta) kao i smanjenja ukupnog broja predmeta u radu (58) te broja riješenih predmeta (76) a što je dovelo do povećanje broja neriješenih predmeta na kraju godine (18).

U slijedećoj tabeli prikazana su najznačajnija odstupanja priliva predmeta u odnosu na 2023. godinu:

Referat	Primljeno u 2023. godini	Primljeno u 2024. godini	Razlika
Izvršni	287	242	-45
Krivični	713	642	-71
Parnični	775	763	-12
Prekršajni	207	200	-7
Privredni	148	161	+13
Su-Ap	48	45	-3
Upravni	585	489	-96
Vanparnični	369	467	+98
Zemljišno-knjižni	111	115	+4
U k u p n o:	3.243	3.124	-119

Iz tabelarnog prikaza vidljivo je da je u 2024. godini u odnosu na 2023. godinu smanjen broj primljenih predmeta za ukupno 119 predmeta. Do značajnijeg smanjenja broja zaprimljenih predmeta došlo je na: izvršnom (45 predmeta), krivičnom (71 predmeta), parničnom (12 predmeta) i upravnom referatu (96 predmeta), dok je ove godine znatno povećan broj primljenih predmeta na vanparničnom referatu (98 predmeta).

Najznačajnija odstupanja u prilivu predmeta, vezano za vrste predmeta prikazana su u slijedećoj tabeli:

Vrsta predmeta-faza	Primljeno u 2023. godini	Primljeno u 2024. godini	Razlika
K-Kpp	129	83	-46
K-Kv	101	83	-18
K-Mpom	86	61	-25
Pr-Pžp	205	191	-16
P-Gži	86	66	-22
Mal-Gž	93	131	+38
P-Gž	535	507	-28
Ps-Pž	93	114	+21
U-U	560	466	-94
V-Gž	54	90	+36
V-V	297	357	+60

Po vrstama i fazi predmeta, smanjen je priliv predmeta na K-Kpp, K-Kv, K-Mpom, Pr-Pžp, P-Gži, P-Gž, i U-U, dok je povećan priliv predmeta na Mal-Gž, Ps-Pž, V-Gž i V-V predmetima.

Posmatrano po referatima, rezultati rada suda su slijedeći:

1. IZVRŠNI REFERAT

Statistički pokazatelji na ovom referatu su slijedeći: od ukupno 272 predmeta u radu (30 predmeta je preneseno iz 2023. godine, a u 2024. godini su primljena 242 predmeta) u izvještajnom periodu su riješena 223 predmeta, a 49 predmeta nije riješeno, što je za 19 predmeta više nego što je ostalo neriješenih predmeta na kraju 2023.godine.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
I-Gvl	1	0	1	1	0	-1
I-Gž	9	112	121	105	16	+7
Ip-Pž	7	24	31	26	5	-2
Mal-Gži	3	17	20	15	5	-2
Mals-Pžip	1	2	3	3	0	-1
P-Gži	7	66	73	55	18	+11
Ps-Pžip	0	9	9	7	2	+2
Rs-Rsži	1	4	5	5	0	-1
V-Gži	1	8	9	6	3	+2
Ukupno:	30	242	272	223	49	+19

2. KRIVIČNI REFERAT

Iz 2023. godine u 2024. godinu preneseno je 130 neriješenih krivičnih predmeta, a u 2024. godini ih je primljeno 642, pa su u radu bila ukupno 772 predmeta, od kojih je 665 riješeno, a 107 predmeta ostalo je neriješeno, što je za 23 neriješena predmeta manje u odnosu na 2023.godinu.

U odnosu na vrstu predmeta rezultati rada su slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
K-Iksž	0	20	20	20	0	0
K-K	31	39	70	28	42	11
K-Kbs	3	6	9	9	0	-3
K-Kp	0	2	2	2	0	0
K-Kpp	1	83	84	84	0	-1
K-Kps	18	22	40	27	13	-5
K-Kv	9	83	92	87	5	-4
K-Kvl	0	5	5	2	3	3
K-Kž	63	293	356	316	40	-23
K-Kžk	2	7	9	7	2	0
K-Mpom	3	61	64	62	2	-1
Km-Kmž	0	6	6	6	0	0
Ukupno:	130	642	772	665	107	-23

Suci Krivičnog odjeljenja riješili su i 218 predmeta prekršajnog referata od ukupno 228 predmeta koliko ih je bilo u radu, tako da je na kraju 2024. godine ostalo neriješeno 10 predmeta, što je za 18 predmeta manje nego na kraju 2023. godine.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
Pr-Pžp	28	191	219	210	9	-19
Pr-Pžpr	0	1	1	1	0	0
Pr-R	0	7	7	6	1	+1
Prm-Pžpm	0	1	1	1	0	0
Ukupno:	28	200	228	218	10	-18

3. PARNIČNI REFERAT

Najveći broj predmeta evidentiranih u ovom sudu odnosi se na drugostepene parnične predmete zbog čega je ovom vrstom predmeta zaduživano devet sudaca iz Građanskog odjeljenja, koji uz ove predmete, postupaju i u drugostepenim izvršnim, vanparničnim i zemljišnoknjižnim predmetima, a u manjem broju i upravnim predmetima.

U radu na ovim predmetima, sa ravnomjernim udjelom u raspodjeli predmeta, učestvuje i predsjednica suda.

Prema dobijenim statističkim pokazateljima ukupan broj parničnih predmeta u radu bio je 886 (preneseno iz 2023. godine 123 predmeta, primljeno u 2024. godini 763 predmeta). Od toga su u izvještajnom periodu riješena 723 predmeta, dok su 163 predmeta ostala neriješena što je za 40 predmeta više u odnosu na 2023. godinu.

Posmatrano po vrsti predmeta rezultati rada su slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
Mal-Gvl	0	1	1	1	0	0
Mal-Gvlž	1	5	6	4	2	+1
Mal-Gž	9	131	140	107	33	+24
P-Gvl	1	18	19	17	2	+1
P-Gž	88	507	595	481	114	+26
P-Mož	4	13	17	17	0	-4
Rs-Mož	0	1	1	1	0	0
Rs-Rsvlž	1	0	1	1	0	-1
Rs-Rsž	19	87	106	94	12	-7
Ukupno:	123	763	886	723	163	+40

4. PRIVREDNI REFERAT

U oblasti privrednih sporova prema dobijenim statističkim podacima stanje je slijedeće: iz 2023. godine su prenesena 23 predmeta, u 2024. godini je primljen 161 predmet pa su u radu bila ukupno 184 predmeta. Od toga su riješena 144 predmeta, dok je 40 predmeta ostalo neriješeno, što je više za 17 neriješenih predmeta u odnosu na 2023. godinu.

Posmatrano po vrsti predmeta rezultati su slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
L-Pž	0	1	1	1	0	0
Mals-Pž	3	30	33	23	10	+7
Ps-Mož	1	3	4	3	1	0
Ps-Pž	18	114	132	105	27	+9
Reg-Pž	0	7	7	6	1	+1
St-Pž	1	6	7	6	1	0
Ukupno:	23	161	184	144	40	+17

5. UPRAVNI REFERAT

Upravni spor predstavlja specifičnu vrstu sudske kontrole zakonitosti upravnih akata i zadire u brojne sfere interesa fizičkih i pravnih lica zbog čega je rad na predmetima upravnog spora, koji spadaju u prvostepenu nadležnost ovog sudova, veoma značajan. Pored parničnog, na ovom referatu je bilo najviše predmeta u radu.

U izvještajnom periodu sud je imao u radu ukupno 686 predmeta upravnog spora (preneseno iz 2023. godine 197 i primljeno u izvještajnom periodu 489 predmeta). Ukupno su riješena 543 predmeta, dok su 143 predmeta ostala neriješena, što je manje za 54 neriješena predmeta u odnosu na 2023. godinu.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
U-U	193	466	659	525	134	-59
U-R	0	4	4	2	2	+2
U-Uvl	3	0	3	2	1	-2
U-Uvp	1	14	15	12	3	+2
U-Uz	0	5	5	2	3	+3
Ukupno:	197	489	686	543	143	-54

6. VANPARNIČNI REFERAT

Statistički pokazatelji na ovom referatu su slijedeći: od ukupno 536 predmet u radu (69 predmeta je preneseno iz 2023. godine, a u 2024. godini je primljeno 467 predmeta). U izvještajnom periodu su riješena 444 predmeta, a 92 predmeta su ostala neriješena, što je za 23 predmeta više neriješenih predmeta u odnosu na 2023. godinu.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
O-Gž	2	19	21	16	5	-3
O-Gvl	0	1	1	0	1	+1
V-Gž	14	90	104	81	23	+9
V-V	53	357	410	347	63	+10
Ukupno:	69	467	536	444	92	+23

7. ZEMLJIŠNOKNJIŽNI REFERAT

Statistički pokazatelji na ovom referatu su slijedeći: od ukupno 124 predmeta u radu (9 predmeta je preneseno iz 2023. godine, a u 2024. godini je primljeno 115 predmeta), u izvještajnom periodu su riješena 124 predmeta, a 23 predmeta nisu riješena, što je za 14 predmeta više nego što je ostalo neriješenih predmeta na kraju 2023. godine.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
Dn-Gž	3	74	77	59	18	+15
Dn-Pž	6	41	47	42	5	-1
Ukupno:	9	115	124	101	23	+14

8. APELACIJE

Od strane Ustavnog suda BiH u toku 2024. godine traženo je 39 odgovora na apelaciju i doneseno 6 odluka, od kojih je sud donio:

- a) 5 odluka kojima se **ne usvaja** apelacija i to tako da je u 3 predmeta apelaciju **odbacio**, a u 2 predmetu apelaciju **odbio**;
- b) 1 odluku kojima se apelacija **ukida** i to zbog povrede prava na slobodu izražavanja.

V - UZROCI KOJI SU DOVELI DO ZNAČAJNIJIH PROMJENA U BROJU RIJEŠENIH/NERIJEŠENIH PREDMETA

U odnosu na 2023. godinu, u 2024. godini je došlo do manjih promjena u broju i riješenih i neriješenih predmeta. Naime, u 2024. godini riješeno je 3.106 predmeta što je za 76 predmeta manje u odnosu na prethodnu godinu (3.182 predmeta), a na kraju godine je ostalo je neriješeno 627 predmeta, što je za 18 predmeta više u odnosu na 2023. godinu (609).

Povećanje broja neriješenih predmeta najizraženije je na slijedećim fazama predmeta P-Gž (26), Mal-Gž (24). Razlog povećanja broja neriješenih predmeta ove vrste je u tome što je ovaj sud još u martu mjesecu, zbog odlaska u penziju napustila jedna sutkinja Građanskog odjeljenja, a nova sutkinja je počela sa radom tek krajem avgusta i radila je na drugostepenim prekršajnim predmetima i prvostepenim vanparničnim predmetima.

Drugi razlog je taj što je većina sudija iz Građanskog odjeljenja ispunila godišnju normu u procentu većem od 100% još prije decembra mjeseca, tako da nisu bili motivisani da rješavaju veći broj predmeta od utvrđene godišnje norme.

Bez obzira na manji broj riješenih predmeta u odnosu na 2023. godinu, sud je u 2024. godini i pored toga što su u toku godine napustila dva nosioca pravosudne funkcije, ostvario kolektivnu normu od 117,13%.

VI - OSTVARENI REZULTATI U RADU NA STARIM PREDMETIMA

Starost predmeta ovog Suda kao prvenstveno drugostepenog suda, možemo posmatrati po dva kriterija: po godini formiranja predmeta u ovom Sudu i prema godini stvarnog početka, odnosno prema starosti inicijalnog akta.

Ukoliko analiziramo starost predmeta po kriteriju godine formiranja na ovom Sudu, pokazatelji su prikazani u slijedećoj tabeli:

Godina formiranja spisa	Preneseno iz ranijih godina	Primljeno u toku 2024. godine	Ukupno u radu	Riješeno u toku 2024. godine	Neriješeno na kraju 2024. godine
2024	0	3124	3124	2535	589
2023	574	0	574	557	17
2022	14	0	14	8	6
2021	7	0	7	4	3
2020	1	0	1	0	1
2019	1	0	1	0	1
2015	1	0	1	0	1
2013	2	0	2	0	2
2008	2	0	2	1	1
2007	1	0	1	0	1
2006	1	0	1	0	1
2004	2	0	2	0	2
2002	2	0	2	1	1
2001	1	0	1	0	1
Ukupno:	609	3124	3733	3106	627

Važno je napomenuti da su najstariji predmeti formirani kod ovog suda 2015. i ranijih godina (ukupno 10 predmeta) ujedno i nerješivi predmeti iz krivične oblasti.

Prema kriteriju stvarnog početka, starosna struktura predmeta je prikazana u slijedećoj tabeli:

Godina inicijalnog akta	Preneseno iz ranijih godina	Primljeno u toku 2024. godine	Ukupno u radu	Riješeno u toku 2024. godine	Neriješeno na kraju 2024. godine
2024	0	1224	1224	987	238
2023	277	609	886	764	121
2022	99	486	585	487	98
2021	83	220	303	253	50
2020	41	136	177	159	18
2019	30	112	142	120	22
2018	14	77	91	77	14
2017	10	51	61	49	12
2016	5	42	47	41	6
2015	8	34	42	34	8
2014	8	20	28	26	2
2013	6	14	20	14	6
2012	2	19	21	14	7
2011	3	9	12	10	2
2010	2	16	18	12	6
2009	4	10	14	14	0
2008	0	4	4	3	1
2007	0	3	3	3	0
2006	0	7	7	7	0
2005	2	9	11	10	1
2004	2	4	6	6	0
2003	1	5	6	3	3
2002	1	2	3	2	1
2001	2	1	3	0	3
2000	2	3	5	3	2

1999	0	2	2	1	1
1998	2	0	2	1	1
1997	0	1	1	1	0
1996	2	0	2	2	0
1995	1	0	1	0	1
1993	1	0	1	1	0
1989	0	1	1	0	1
1985	0	2	2	1	1
1983	1	1	2	1	1
Ukupno:	609	3124	3733	3106	627

Kao što je već istaknuto, starosna struktura predmeta u ovom sudu u direktnoj je vezi sa starosnom strukturom predmeta na prvostepenim - općinskim sudovima, zbog čega se dešava da je već prilikom prijema prvostepenog predmeta na postupak odlučivanja po pravnom lijeku uveliko premašen „razuman rok“ za donošenje odluke.

Problem donošenja odluka u „razumnom roku“ najčešće je pitanje o kome odlučuje Ustavni sud BiH po apelacijama u kojima apelanti traže da se utvrdi ta povreda prava i da im se, shodno utvrđenom, prizna pravo na odgovarajuću naknadu.

1. REALIZACIJA PLANOVA RADA

Svi najstariji predmeti ovog suda, kako po datumu početka faze, tako i po starosti inicijalnog akta, uvrštavani su u Godišnji i Kvartalne planove rješavanja predmeta. Procent riješenosti najstarijih predmeta iz planova rješavanja suda je 97,07% dok je ukupna realizacija svih planova u toku 2024. godine 99,17%

Godišnjim planom rješavanja prvostepenih predmeta u Kantonalnom sudu u Bihaću obuhvaćeno je ukupno 388 predmeta (418/2023) od kojih je riješeno 378 predmeta (414/2023) ili 97,42%, a na kraju godine je ostalo neriješeno 10 predmeta iz Plana. Ukupno 4 predmeta iz Plana označena su kao nerješiva.

Planom rješavanja predmeta Kantonalnog suda u Bihaću kroz četiri kvartala tokom 2024. godine obuhvaćeno je ukupno 1060 predmeta (850/2023). Od navedenog broja u posmatranom periodu riješeno ih je 1059 (848 /2023), što znači da samo jedan predmet nije riješen i da realizacija plana iznosi 99,90%.

Ukupno 10 predmeta iz kvartalnih planova označeno je kao nerješivo.

Rad na predmetima iz plana je prioritet svih sudaca u ovom sudu, kome se pristupa ozbiljno i odgovorno. Zbog toga se kontinuirano (mjesečno, tromjesečno, polugodišnje i godišnje) vrši analiza njegove realizacije. U posmatranom periodu od 14 sudija koji su bili obuhvaćeni planovima rješavanja predmeta 11 sudija riješilo je sve predmete iz plana, dok je troje sudija riješilo je plan u procentu većem od 95%.

Starosna struktura predmeta iz plana ovog suda data je u sljedećim tabelama :

Broj predmeta obuhvaćenih Godišnjim planom Kantonalnog suda Bihać za period 01.01. do 31.12.2024.godine

REFERAT	Broj sudija u planu	Predmeti inicirani 2023.g	Predmeti inicirani 2022-21.g	Predmeti inicirani 2020-19.g	Predmeti inicirani 2018-15.g	Predmeti inicirani 2014-10.g	Predmeti inicirani 2009.i ranije	Ukupan broj predmeta
Krivični-K i Kps	6	15	3	2	-	-	1	21
Upravni-U i Uz	5	265	15	5	10	7	1	303
Vanparnični-V	4	62	2	-	-	-	-	64
U k u p n o:	10	342	20	7	10	7	2	388

Broj predmeta obuhvaćenih Kvartalnim planovima Kantonalnog suda Bihać za period 01.01. do 31.12.2024.godine

Referat	Broj sudija u planu	Inicirani 2023.g	Inicirani 2022-2021.g	Inicirani 2020-2019.g	Inicirani 2018-2015.g	Inicirani 2014-2010.g	Inicirani 2009.i ranije	Ukupno
Izvršni	7	5	27	20	26	21	20	119
Krivični	5	53	92	43	7	2	-	197
Parnični	9	94	205	83	46	13	1	442
Prekršajni	4	49	53	-	-	-	-	102
Privredni	3	8	39	28	15	-	1	91
Upravni	3	6	3	-	-	-	-	9
Vanparnični	6	6	20	7	7	3	1	44
Zem.-knjižni	5	25	12	5	14	-	-	56
U k u p n o:	14	246	451	186	115	39	23	1060

Realizacija plana rješavanja predmeta je predmet posebnog izvještaja u kome su, osim za ovaj kantonalni sud, dati podaci i za općinske sudove sa područja Unsko-sanskog kantona.

VII - NEDOVOLJAN BROJ PREDMETA U RADU

Iako iz godine u godinu ovaj Sud ima sve manje predmeta u radu, taj broj je još uvijek dovoljan da sve sudije imaju potreban broj predmeta u radu da bi ostvarili predviđenu mjesečnu i godišnju normu.

VIII - TRAJANJE POSTUPKA

Prema statistici trajanja predmeta po referatima i vrstama predmeta, u izvještajnom periodu su ukupno riješena 3.106 predmeta (po svim referatima) u prosječnom vremenskom trajanju od 76,03 dana.

Razvrstano po referatima, navedeni podatak izgleda ovako:

Referat	Broj riješenih predmeta	Prosječno trajanje (u danima)
Izvršni	223	53,58
Krivični	665	72,92
Parnični	723	72,88
Prekršajni	218	43,16

Privredni	144	63,83
Su-Ap	45	1,62
Upravni	543	126,73
Vanparnični	444	63,51
Zemljišno-knjižni	101	72,56

Posmatrano po vrstama predmeta, prosječno trajanje postupka je u neposrednoj vezi sa godinom iniciranja predmeta kod ovog suda, pa je tako u jednom riješenom Rs-Rsži predmetu iniciranom u 2023. godini postupak trajao 295 dana, u jednom riješenom K-K predmetu iniciranom 2002. godine postupak je trajao 8242 dana, u jednom riješenom predmetu iniciranom 2022. godine postupak je trajao 454 dana, u 14 riješenih predmeta postupak je 254 dana, u jednom riješenom predmetu K-Kps iniciranom 2008. godine postupak je trajao 5932 dana, u jednom riješenom P-Gž predmetu iniciranom 2022. godine postupak je trajao 476 dana, u jednom riješenom predmetu U-U inicirana 2021. godine postupak je trajao 877 dana, u 5 predmeta inicirana u 2022. godini postupak je trajao 554 dana; postupak u tri riješena V-V predmeta inicirana u 2021. godini postupak je trajao 891 dan, a u jednom predmetu iniciranom u 2022. godini postupak je trajao 589 dana.

Razlog za veću dužinu trajanja krivičnih predmeta je nedostupnost optuženih lica (postupak okončan nastupanjem zastare), a drugostepenih građanskih predmeta, kao i upravnih predmeta je taj što su ti predmeti duži vremenski period bili nerješivi zbog određenih zakonskih i procesnih smetnji.

1. PREDVIDIVI I OPTIMALNI ROKOVI

Na osnovu parametara danih u CMS-u: broj neriješenih predmeta, optimalni rok, broj sudaca, orijentaciona norma i vrijeme za zaostale predmete, ovaj je sud izradio Odluku o predvidivim rokovima za 2024. godinu.

U kontekstu praćenja vremena trajanja predmeta vršeno je i praćenje provođenja Odluke o poštivanju optimalnih i predvidivih rokova, kako slijedi:

Vrsta predmeta	Optimalni rok -dana-	Predvidivi rok -dana-	Ukupno u radu	Riješeno u optimalnom roku	Riješeno u predvidivom roku	Riješeno sa prekoračenjem predvidivog roka	Ukupno riješeno	Prosječno trajanje riješenih predmeta -dana-	Prosječno trajanje neriješenih predmeta -dana-
U-U	135	232	659	349	460	65	525	128	86
U-Uz	135	135	5	2	2	0	2	129	78
K-Kps	52	82	40	17	19	8	27	311	1427
K-K	88	191	70	10	17	11	28	460	1438
P-Gž	207	260	842	671	679	4	683	75	53
Ps-Pž	187	226	165	128	128	0	128	67	44
Mož	94	124	21	19	19	1	20	34	15
Reg-Pž	170	170	7	6	6	0	6	10	23
V-Gž	136	219	396	296	314	5	319	55	61
St-Pž	94	124	7	4	5	1	6	51	16
K-Kž	158	238	241	199	208	0	208	85	51
Pr-Pžp	70	100	220	162	187	24	211	44	12
Dn-Gž	136	166	77	52	55	4	59	57	65
L-Pž	94	94	1	1	1	0	1	29	0
Gvl/Pvl	104	134	22	18	19	0	19	35	17
U-Uvp	116	146	15	10	11	1	12	62	48
Gvlž/Pvlž	123	153	6	4	4	0	4	57	50
U-Uvl	116	146	3	0	0	2	2	228	1752
Ukupno			2797	1948	2134	126	2260	88	206

Kao što se može vidjeti u tabeli, gotovo svi predmeti osim prvostepenih krivičnih predmeta i predmeta ponavljanja postupka upravnih predmeta, riješeni su optimalnom ili predvidivom roku a samo 126 predmeta od ukupno 1948 riješenih predmeta (6,47%) riješeno je sa prekoračenjem predvidivog roka. Prosječno trajanje riješenih predmeta je 88 dana, a neriješenih predmeta 206 dana. Rezultat bi bio još i bolji da u prosječno trajanje neriješenih predmeta ne ulaze i nerješivi predmeti po kojima sud već godinama ne može postupati. Radi se o prvostepenim krivičnim K i Kps predmetima jer je od ukupno 55 neriješenih predmeta na kraju 2024. godine njih 17 je nerješivo od kojih je 10 predmeta starije od 2015. godine a čak 8 predmeta je starije i od 2008. godine, dakle više od 16 godina tako da je prosječno vrijeme neriješenih predmeta preko 1400 dana očekivano. I pored raspisanih potjernica Sud ne može postupati po ovim predmetima jer su optužena lica nedostupna za vođenje krivičnog postupka.

I prosječno trajanje riješenih predmeta ove vrste je znatno duže od optimalnog i predvidivog roka. Razlog je u tome što je optimalni rok od 88 dana za K predmete suviše kratak jer nije realno očekivati da se složeni predmeti ratnog zločina, korupcije i organizovanog kriminala riješe u tako kratkom roku. Ni predvidivi rok od 191 dan nije dovoljan za najsloženije predmete jer suđenje traje i po nekoliko godina bez obzira na uložene napore, a neki od predmeta su uvršteni u dvogodišnje planove rješavanja predmeta.

Zbog svega navedenog trebalo bi preispitati izvještaje koje kreira VSTV a koji se odnose na poštivanje optimalnih i predvidivih rokova na način da nerješivi predmeti ne ulaze u izvještaj kao i da se poveća optimalni rok za rješavanje najsloženijih predmeta iz oblasti organizovanog kriminala i korupcije kao i ratnih zločina sa većim brojem optuženih lica.

IX - PREDMETI RATNIH ZLOČINA

Krivični predmeti ratnih zločina (K-RZ) su predmeti iz prvostepene nadležnosti ovog suda koji još uvijek imaju posebnu težinu i značaj.

Na kraju 2023. godine 3 predmeta ratnog zločina je ostalo neriješeno i prenesena su u 2024. godinu; u 2024. godini je primljeno 6 predmeta od kojih su 2 predmeta vraćena na ponovni postupak nakon ukidanja prvostepene presude od strane Vrhovnog suda F BiH, pa je ukupno u radu bilo 9 predmeta ratnih zločina od kojih su 2 riješena (jedna osuđujuća i jedna oslobađajuća presuda), dok su 7 predmeta ostala neriješena na kraju godine. Od 7 neriješena predmeta 2 predmeta su nerješiva, jedan zbog nedostupnosti optuženog za kojim je raspisana potjernica, a u drugom predmetu je ponovo doneseno rješenje o prekidu postupka nakon vještačenja optuženog (prema uputama VSTV-a ovaj predmet nije iskazan završenim). U preostalim neriješenim predmetima suđenje je otežano jer se optuženi nalaze u inostranstvu, uglavnom u SAD, pa datumi zakazivanja i održavanja ročišta zavise od mogućnosti dolaska optuženih na zakazana ročišta

Broj podignutih optužnica u predmetima ratnih zločina – Kps je slijedeći: preneseno iz 2023. godine - 10 predmeta; primljena u 2024. godini - 1 predmet; ukupno u radu - 11 predmeta od kojih su riješena 4 predmeta (3 predmeta prešla u sljedeću K fazu a u 1 predmetu je izvršeno spajanje postupka). Na kraju 2024. godine ostala je neriješeno 7 predmeta, od kojih se u 4 predmeta ne može postupati zbog nedostupnosti optuženih za kojima je raspisana potjernica dok je u ostala 2 predmeta otežano postupanje jer se optužene nalaze u inostranstvu, uglavnom u SAD, pa se dostavljanje pismena obavlja putem zamolnice što ide dosta sporo.

Zbog značaja predmeta ratnih zločina ovaj sud je u obavezi da Misiji OSCE-a u BiH i Nadzornom tijelu dostavlja periodične izvještaje o radu na predmetima ratnih zločina sa procjenom stanja i prijedlozima mjera za poboljšanje.

U kontekstu rada na predmetima ratnih zločina komponenta psihološke podrške žrtvama i svjedocima u potpunosti je implementirana pa je psiholog u ovom sudu pružao stručnu pomoć određenom broju lica, kako žrtava kao oštećenih, tako i svjedoka pozvanih da pred sudom iznesu svoja sjećanja i iskustva vezana za ratna događanja, što je za većinu njih stresno i zahtijeva posebnu psihološku pripremu.

Na osnovu Uputstva za praćenje rada na predmetima ratnih zločina, a u skladu sa Pravilnikom o vremenskim okvirima za postupanje po predmetima u sudovima i tužilaštvima ovaj sud je bio u obavezi sačiniti Akcioni pregled K predmeta.

X - PREDMETI KORUPCIJE I ORGANIZOVANOG KRIMINALA

Što se tiče krivičnih djela protiv službene i druge odgovorne funkcije, radi lakše preglednosti predmete ćemo pratiti prema oznakama Kantonalnog tužilaštva, kako slijedi:

1. KTK - korupcija - iz 2023. godine preneseno je 6 predmeta, 5 za zloupotrebu položaja ili ovlaštenja (od kojih su 2 predmeta nerješiva zbog nedostupnosti nekih od optuženih koji su strani državljanima) i 1 za pronevjeru u službi. U toku godine nije bilo novih predmeta. Od 6 predmeta ukupno u radu 1 predmet je riješen (zloupotreba položaja ili ovlaštenja) dok je 5 predmeta neriješeno na kraju 2024. godine, 4 za zloupotrebu položaja ili ovlaštenja (od kojih su 2 predmeta nerješiva zbog nedostupnosti nekih od optuženih koji su strani državljanima) i 1 za pronevjeru u službi;
2. KTKV - visoki nivo korupcije - iz 2023. godine prenesen je 1 predmet visokog nivoa korupcije zbog krivičnog djela zloupotreba položaja ili ovlaštenja. U toku godine primljena su 2 nova predmeta (jedan nakon djelimičnog ukidanja prvostepene presude od strane Vrhovnog suda F BiH). Ni jedan od 3 predmeta ukupno u radu nije riješen u toku 2024. godine tako da su svi preneseni u 2025. godinu. Jedan od ovih predmeta je uvršten u dvogodišnji plan rješavanja predmeta;
3. KTO - organizovani kriminal - iz 2023. godine prenesena su 2 predmeta za krivično djelo organizovani kriminal u vezi sa krivičnim djelom neovlaštena proizvodnja i stavljanje u promet opojnih droga. U toku 2024. godine primljena su 4 predmeta organizovanog kriminala (1 u vezi sa krivičnim djelom neovlaštena proizvodnja i stavljanje u promet opojnih, 1 u vezi sa prevarom u privrednom poslovanju, 1 u vezi sa zloupotrebom položaja ili ovlaštenja dok je jedan predmet razdvojen zbog nedostupnosti optuženog). Od 6 predmeta ukupno u radu, 2 predmeta su riješena u toku godine (neovlaštena proizvodnja i stavljanje u promet opojnih droga). Na kraju godine ostala su neriješena 4 predmeta organizovanog kriminala (1 u vezi sa prevarom u privrednom poslovanju, 1 u vezi sa zloupotrebom položaja, 1 u vezi sa neovlaštenom proizvodnjom i stavljanjem u promet opojnih droga, a 1 razdvojeni predmet u vezi sa krivičnim djelom krivotvorenje isprave);
4. KTOV - organizovani kriminal visokog nivoa - iz 2023. godine prenesen je 1 predmet (u vezi sa krivičnim djelom zloupotreba položaja ili ovlaštenja) dok su u toku 2024. godine nije bilo novih predmeta. Predmet nije riješen u toku godine tako da je prenesen u 2025. godinu. Radi se o predmetu koji je uvršten u dvogodišnji plan rješavanja predmeta;
5. KTPO - privredni kriminal - 1 predmet za krivično djelo zloupotreba položaja ili ovlaštenja iz ove oblasti prenesen je iz 2023. godine dok su u 2024. godini primljen 1 predmet (vraćen na ponovno postupanje nakon djelimičnog ukidanja prvostepene

presude). Od 2 predmeta ukupno u radu 1 predmet je riješena u toku 2024. godine dok je 1 predmet ostao neriješen.

Dakle, od ukupno 18 predmeta koji su bili u radu u toku 2024. godini, 4 predmeta su riješena, dok je 14 predmeta ostalo neriješeno (2 predmeta su nerješiva) tako da će se u 12 predmeta postupak voditi u toku 2025. godine.

Iako je i u toku 2024. godine dat prioritet rješavanju ove vrste predmeta to nije vidljivo u rezultatima. Naime, riješena su samo 4 predmeta (u 2023. godini 14 predmeta), a na kraju godine je ostao i veći broj neriješenih predmeta 14 (na kraju 2023. godine 11). Razlog je taj što se radi o veoma složenim predmetima sa većim brojem optuženih. Dva predmeta su 2024. godine uvrštena u dvogodišnji plan rješavanja predmeta dok će još dva predmeta biti uvrštena u dvogodišnji plan za 2025. godinu. Pored toga, sud su u toku 2024. godine napustila dva suca zbog odlaska u penziju, jedan krajem marta a drugi krajem septembra, dok je imenovana samo jedna sutkinja koja je počela sa radom krajem avgusta. Prema rasporedu poslova ove predmete zadužuju sudije sa dugogodišnjim iskustvom isključivo na krivičnim predmetima, a raspoređeno je još dvoje sudija za rad na prvostepenim krivičnim predmetima. Kako su u pitanju veoma složeni i obimni predmeti u kojima suđenje često traje i po nekoliko godina, može se očekivati da će u toku 2025. godine veliki broj ovih predmeta biti završen. Rad na ovim predmetima je otežan i zbog lošeg kvaliteta sudskih odluka. Naime, ukinuto je ukupno 7 donesenih presuda u predmetima iz ovih oblasti krivičnih djela dok je jedna presuda djelimično ukinuta, 2 za organizovani kriminal, 2 za korupciju i 3 za ratne zločine kao i 1 djelomično ukinuta presuda.

XI - ZASTARA PREDMETA

Tokom izvještajnog perioda u ovom sudu je u tri predmeta došlo do apsolutne zastare krivičnog gonjenja a u jednom predmetu do apsolutne zastare izvršenja kazne.

1. U predmetu broj 01 0 K 000104 02 K optuženog P. V. zbog krivičnog djela Ubistvo iz člana 36. stav 1. preuzetog KZ SR BiH dana 02.10.2024. godine doneseno je rješenje o obustavi krivičnog postupka jer je nastupila zastarjelost krivičnog gonjenja. Optuženi je bio nedostupan i za njim je raspisana međunarodna potjernica. Krivično djelo je počinjeno 16.06.1992. godine i apsolutna zastara je nastupila 16.06.2022. godine;
2. U predmetu broj 01 0 K 010066 15 Kps optuženih A. D. zbog krivičnog djela Ubistvo iz člana 166. stav 1. u vezi sa članom 28. u sticaju sa krivičnim djelom Nedoizvoljeno držanje oružja ili eksplozivnih materija iz člana 371. stav 1. sve u vezi sa članom 54. KZ F BiH i optuženog N. S. zbog krivičnog djela Krađa iz člana 268. stav 1. u vezi sa članom 28. KZ F BiH dana 03.10.2024. godine doneseno je rješenje o obustavi krivičnog postupka protiv A. D. za krivično djelo Nedoizvoljeno držanje oružja ili eksplozivnih materija iz člana 371. stav 1. KZ F BiH, a protiv N. S. za krivično djelo Krađa iz člana 268. stav 1. u vezi sa članom 28. KZ F BiH zbog zastarjelosti krivičnog postupka, dok će se krivični postupak protiv A. D. nastaviti u odnosu na krivično djelo Ubistvo iz člana 166. stav 1. u vezi sa članom 28. KZ F BiH. Optužena A. D. je bila nedostupna i za njom je raspisana međunarodna potjernica dok je N. S. bio dostupan i nalazio se na izdržavanju kazne zatvora ali u odnosu na njega nikad nije razdvojen krivični postupak. Krivična djela su počinjena 14.09.2011. godine i apsolutna zastara je nastupila 14.09.2021. godine;
3. U predmetu broj 01 0 K 000008 08 Kps optuženog Š. M. zbog krivičnog djela Razbojništvo iz člana 150. KZ R BiH dana 06.12.2024. godine doneseno je rješenje o obustavi krivičnog postupka zbog zastarjelosti krivičnog gonjenja. Optuženi je bio nedostupan i za njim je raspisana međunarodna potjernica. Krivično djelo je počinjeno 16.11.1994. godine i apsolutna zastara je nastupila 16.11.2024. godine;

4. U predmetu broj 01 0 K 008621 24 Kv 2 osuđenog M. K. zbog krivičnog djela Ubistvo iz člana 36. stav 1. KZ R BiH dana 28.11.2024. godine doneseno je rješenje o obustavi izvršenja kazne zatvora u trajanju od 7 (sedam) godine izrečene pravosnažnom presudom Višeg suda u Bihaću broj K-5/93 od 06.05.1993. godine zbog zastarjelosti izvršenja kazne. Rješenjem ovog suda Broj Kv-25/2000 od 17.04.2000. godine prekinuto je izdržavanje kazne zatvora osuđenom M. K. zbog zdravstvenog stanja osuđenog, a prekid kazne će trajati dok postoje okolnosti zbog kojih je prekinuto izdržavanje kazne. Nakon pribavljanja medicinske dokumentacije, dana 10.11.2014. godine pod brojem 01 0 K 008621 14 Kv doneseno je rješenje da prekid izdržavanja kazne zatvora određen rješenjem broj Kv-25/2000 od 17.04.2000. godine traje do daljnjeg, dok postoje okolnosti zbog kojih je prekinuto izdržavanje kazne. Navedeno je da će sud po službenoj dužnosti svakih šest mjeseci vršiti provjeru okolnosti zbog kojih je prekid izdržavanja kazne određen, međutim to nije urađeno. Nakon što je KPZ ZT Zenica dana 20.11.2024. godine zatražio informaciju o statusu osuđenog M. K. doneseno je rješenje o obustavi izvršenja kazne zatvora jer je od dana donošenja pravosnažne presude protekao vremenski period duži od 30 godina.

XII - ZAKLJUČNA ZAPAŽANJA O RADU I USLOVIMA RADA SUDA U 2024. GODINI

Generalno gledano, rezultati rada ovog suda u 2024. godini, ako se ima u vidu ostvarena kolektivna norma od 117,13%, kvalitet sudskih odluka od 86,51%, realizacija godišnjeg plana rješavanja predmeta od 99,04 i kvartalnih planova od 99,90, sud može u dobroj mjeri biti zadovoljan.

Međutim, prvenstveno loš kvalitet odluka na krivičnom referatu kao i rješavanje manjeg broja predmeta od broja primljenih predmeta su razlog zbog kojeg svi skupa trebamo uložiti dodatni napor i pronaći način za poboljšanje radnih rezultata, kako svakog pojedinca, tako i Suda u cjelini.

Sud ostvaruje dobru saradnju sa medijima kroz neposredne kontakte ili na način da im se omogući praćenje toka krivičnih postupaka za koje javnost pokazuje najveći interes.

Osim toga, rad suda je učinjen dostupnim putem internet stranice suda na kojoj se objavljuju informacije od značaja za javnost, a stranke nakon što dobiju Jedinostveni pristupni kod-JPK, mogu neposredno vršiti uvid u sudske predmete u kojima imaju taj status (izuzetak su krivični predmeti).

XIII - PRIMJENA SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA

U cilju primjene Smjernica za prevenciju seksualnog i rodno zasnovanog uznemiravanja u pravosudnim institucijama u BiH, Sud je dana 01.07.2015. godine za savjetnika za prevenciju seksualnog i rodno utemeljenog uznemiravanja, na period od četiri godine i produženjem mandata na još četiri godine, imenovao zaposlenicu ovog Suda koja je postavljena na radno mjesto stručnog savjetnika-psihologa. Savjetnica je već ranije prošla specijalizovanu obuku za savjetnike u organizaciji Centra za edukaciju sudija i tužilaca u F BiH.

Na službenoj web stranici suda postavljene su Smjernice za prevenciju seksualnog i rodno zasnovanog uznemiravanja u pravosudnim institucijama u BiH, te su na taj način Smjernice dostupne strankama i zaposlenicima Suda u elektronskoj formi.

U izvještajnom periodu u ovom sudu nije bilo prijavljenih slučajeva seksualnog i rodno zasnovanog uznemiravanja, te samim tim nije poduzeta nijedna interna mjera na prevenciji istog. O svom radu savjetnica podnosi redovne godišnje izvještaje Visokom sudskom i tužilačkom vijeću.

XIV - AKTIVNOSTI PODUZETE U CILJU IMPLEMENTACIJE STRATEGIJE ZA UNAPREĐENJE RODNE RAVNOPRAVNOSTI U PRAVOSUĐU BIH I POSTIGNUTI REZULTATI

Kantonalni sud u Bihaću je 16.12.2022. godine donio Akcioni plan za unapređenje rodne ravnopravnosti u Kantonalnom sudu u Bihaću broj: 001-0-Su-22-000789, a koji je prethodno odobren od strane VSTV-a.

Sa donesenim Akcionim planom, putem e-maila, upoznati su svi zaposlenici suda.

Kao strateški ciljevi u Sudu određeni su:

1. Unapređenje znanja i nivoa svijesti o pojmu roda, rodnim normama, metodi gender mainstreaming-a, rodnoj ravnopravnosti i jednakom pristupu pravdi;
2. Obezbjediti da radnim procesima budu obuhvaćena pitanja rodne ravnopravnosti i jednakog prisustva pravdi;
3. Obezbjediti da se sva lica koja dođu u kontakt sa Kantonalnim sudom u Bihaću tretiraju na jednak način i imaju jednak pristup pravdi bez obzira spol i/ili rod;
4. Obezbjediti da sva lica koja dolaze u kontakt sa Kantonalnim sudom u Bihaću imaju visok nivo povjerenja u pravosuđe, bez obzira na spol i/ili rod.

U realizaciji zadataka koji su ovim Akcionim planom planirani da se u ovom izvještajnom periodu provedu, između ostalog Sud je :

- proveo internu edukaciju zaposlenika suda na temu rodne ravnopravnosti. Ovu edukaciju provela je stručna savjetnica-psiholog ovog Suda. Edukaciji je prisustvovalo 25 zaposlenika od kojih su dva nosioca pravosudnih funkcija,
- redovno se ažurira Web stranica Suda u polju rodne ravnopravnosti,
- u svim aktima koja se donose kao i u aktima koja se objavljuju na službenoj web stranici Suda, kada je god to moguće, koriste se oba spola (optuženi/optužena; osumnjičeni/osumnjičena; sudija/sutkinja), odnosno spol na koji se konkretni akt/informacija odnosi.

Ovim aktivnostima podignuta je svijest zaposlenika o prevenciji rodno zasnovanog i seksualnog nasilja u Sudu, kao i o proceduri prijavljivanja. U toku 2024. godini nitko se od zaposlenih nije obratio savjetnici (ni usmeno ni pismeno) radi prijave izloženosti nekom neželjenom ponašanju na radnom mjestu. Takođe, nije primjećeno nikakvo neželjeno ponašanje u relacijama i svakodnevnoj komunikaciji između zaposlenika koje bi upućivalo na eventualnu prisutnost nekog od oblika seksualnog i rodno zasnovanog uznemiravanja, niti je bilo ikakvih primjedbi ili pritužbi od strane stranaka koje dolaze u Sud.

S tim u vezi, u izvještajnom periodu nije ni bilo potrebe da se provode interne procedure za prevenciju seksualnog ili rodno zasnovanog uznemiravanja.

XV - INFORMACIJA O ODRŽANIM SASTANCIMA SA NOTARIMA

Kao drugostepeni sud, ovaj sud nije imao potrebu da održi sastanke sa notarima sa ciljem smanjenja broja i trajanja neriješenih ostavinskih premeta.

XVI - PLANIRANE MJERE ZA POBOLJŠANJE

Kako je već u više navrata navedeno, rezultati rada suda su zadovoljavajući ali ima dosta prostora za napredovanje.

Da bi ciljevi ovog suda bili ostvareni potrebna je, prije svega i unatoč svemu, odgovarajuća motivacija sudaca i njihov još veći angažman u radu na predmetima.

Da bi rezultati rada suda bili bolji, poduzeće se sljedeće mjere:

- izvršiti raspored predmeta i referata po sucima, u skladu sa pokazateljima iz prethodne godine, a poštujući uputstva za izradu plana rješavanja predmeta;
- kontinuirano pratiti realizaciju rješavanja predmeta iz plana mjesečno, što je obaveza predsjednika odjeljenja, a tromjesečno na sjednicama stručnog kolegija;
- protiv sudaca za koje se na kraju prvog tromjesečja utvrdi da nisu riješili najstarije predmete odmah poduzeti odgovarajuće mjere;
- posebnu pažnju posvetiti predmetima koji se ponavljaju u planovima;
- pratiti predvidive rokove i predmete za koje se utvrdi da nisu riješeni u tim rokovima;
- na sjednicama krivičnog odjeljenja raspravljati o mjerama koje je potrebno preduzeti da se poboljšaju ukupni rezultati rada odjeljenja;
- raditi na finansijskoj stabilizaciji suda i u tom smislu pojačati saradnju sa resornim ministarstvima.



PREDSJEDNICA SUDA:
Fata Nadarević

Fata Nadarević